



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Specvlvm Iuuentvtis, Sive Insigniores Pveritiæ Atqve Adolescentiæ Sanctorvm**

**Bosendorf, Hermann**

**Monasterii VWestphalorvm, 1615**

Albertus de monte Drepano 7. Aug.

**urn:nbn:de:hbz:466:1-42900**

ciorum atrocitati succumberet, rursus Pastor, ne Iustus promissis vel minis Tyranni vince- retur, vehementer formidabat. Interea vero dum alter alteri mutuis cohortationibus ani- mum adderet, carnifices visa puerorum con- stantia & alacritate, cuncta Datiano nunciarunt. Qui tam admiranda puerorum virtute stupe- factus, veritus ne ex eorum certamine aliquam ignominiam notam maiestati suae inureret, qua- si per contemptum, quod suo conspectu in- digni essent, capitis eos damnauit. Cumque ac- cepta sententia procul ab vrbe glorioso sine certamen peregissent, & Datianus celeri pro- tectione ad alia loca contenderet, illico Chri- stiani incolae sacra eorum corpora honorifice sepelierunt, & constructa basilica singulis mar- tyribus altare dedicarunt.

EXEMPLVM S. ALBERTI DE MONTE

Drepano Carmelita, 7. Augusti.

Sur. Tom. 4.

**A**lbertum apud Siculos in castro montis Drepani, patre Benedicto ex nobilissi- ma Adalbatibarum familia, matre Iohanna pari nobilitate femina, ortum, parces post longam sterilitatem, voto à B. Virgine Deipara impe- trarunt. Hic ubi per ætatem disciplinis esse ma- turus cepisset, mox liberalium artium studijs admotus preclarè puer indolis, vberi Spiritus sancti gratia exornabatur, & iam literis bellè *Morum honestas.* eruditus, optimisque ex cultus moribus, à ciuib.

Z 4 iuxta

iuxta ac parentibus magno affectu diligebatur. Iam annum attigerat octauum; & quidam præcipuæ nobilitatis viri, eum puellæ quidam (prout eius loci consuetudo fert) quæ regio stēmate nata videretur, spōsum pōcebant. Et pater quidem horum precibus flexus, rem ad vxorem detulit; illa vero voti haud immemor, tacta religione, modestis maritum verbis increpuit, rem quæ disiecit: tum accito in cubiculū filio, omniā per ordinem exposuit, & visionem parentis, & votum quo Deo tenebantur obstricti. Ille vero cum verba matris probè cepisset, responsū dedit humilitatis & prudentiæ plenissimum, dicens, se sui iuris nō esse, sed parentum suorum stare consilio, atq; authoritati cedere: in quæ vitæ cursu moderando, ne latum quidem vnguē ab eorum præscriptis velle discedere. Edic igitur, inquit, mea mater, quid me fieri velis: mundo ne seruire & temporarijs perfungi honoribus, vel potius amare Christum, & illi in sacra religione perpetuo obstringi seruitio, vt vitam cum ipso nanciscar immortalem? Cui mater: Equidem, ait, nihil malim, quam te votis iam inde nuncupatis succedere & obsecundare, vt factis dicta compensemus. Et ille: Faciam, inquit, quod hortaris. Parentibus itaq; mensæ accumbentibus ait Albertus; Parentes optimi, equidem neq; cibum neq; potum sumam, nisi mihi benè precemini. Tum illi pio animi affectu dixerunt: Benedicat tibi Deus, & dirigat gressus

*Eligit vitā  
religiosam.*

gressus tuos. Ea parētum suorum benedictio-  
ne percepta ad monasterium Drepanense fra-  
trum Carmelitici instituti perrexit, atque à  
Priore ad id genus vitę admitti postulauit. Qui  
generis illius nobilitate perspecta, puerique  
sermones admiratus, ne parentum in se ani-  
mos concitaret postulata reiecit. At puer ma-  
gna animi molestia & mœrore sese conficiens  
domum reuertitur. Interim nocte proxima  
parentibus per quietem virgo beatissima vul-  
tu sane seuero apparuit, atq; vt promissi me-  
mores, filium se cultui diuino tradere cupien-  
tem, retinere caueant, commonefecit. Quare  
animis consternati, mox altera luce ad mona-  
sterium properāt, filiumq; votiū exhibēt.  
Qui eximia beneuolētię significatione à Prio-  
re ac fratribus susceptus & spiritali militiæ  
aggregatus, internis externisq; armis & orna-  
mentis decoratur. At vero humani generis  
hostis, visa pueri ad confligendum alacritate,  
stimulis inuidiæ grauitur concitatus, ad infi-  
dias vertitur: sumptaq; elegantissimę mulieris  
forma, vultu pietatem mentiē, pœnitentię  
studijs ac precibus incumbentem non sine ge-  
mitu ita compellat, O decus pulchritudinis &  
flos ætatis, quid insano & stulto labore pōdus  
humeris tuis lōgè impar tollere conaris? Quid  
asperum & acerbum vitę genus subire, & in  
sordibus perpetuo manere decreuisti? quæ in  
fine & insignem ignominiam, & salutis rui-  
nam dum resiliere cogaris parient? Quin potius

*Pœnitentię  
operibus &  
orationi  
deditus.*

*Insidias  
diaboli pra  
clare disj-  
oit.*

*Ieiunium.*

*Asperitas  
vita.*

*Castitas.*

*Fugacitas.*

mecum, quæ tui amore tota occupata sum, fa-  
cro matrimonij fœdere copulare. Redi igitur  
ad paternos lares, & bonis mecum summa cum  
securitate & felicitate perfruere. Has voces  
fraudis & insidiarū plenas illico sentiens Chri-  
sti seruus, signo sanctæ crucis se communit, &  
diabolum humanam speciem mentientem in  
flamas abire præcepit: ipsoq; fugato, multo  
se alacrius ad subeundos pœnitentiæ labores  
accinxit. Indè anno absoluto, palàm se mona-  
stica professione obligauit, quam animo iam  
tum fecerat, quando habitū religiosum susce-  
pit. Fuit porro eius vita valde seuera & aspera,  
cum insigni patientia, multaq; de se virtutis  
exempla præbebat. Ferijs secundis, quartis &  
sextis cilicio carnem suā domabat, & assiduis  
ieiunijs macerabat, super palmitib; nudo cor-  
pore cubabat, rudem pannum & vestes admo-  
dum viles ferre nō erubescibat. A vino absti-  
nens aquæ potū illi præferibat, ne vinū blan-  
dè ingrediens, luxuriæ fomenta suppeditaret.  
Sextis ferijs pani suo absynthiū immiscuit, &  
vestibus asperis carnem domabat, ne quas illi  
aduersus spiritū delectationes parturiret. Otij  
maxime fugitans bonis iugiter operib; inten-  
debat, vt eum malignus hostis semper bonis  
reb; occupatum inueniret. Castitatis fuit lōgè  
obseruantissimus, obedientię sanctæ, pauper-  
tatis, & humilitatis apprimè studiosus: diuina  
porro refertus sapientia intus quidem cælesti  
suauitate replebatur, at foris ornatissimis mo-  
ribus

ribus doctrinam ecclesiasticam, illustravit. Tandemq; multis infidelium ad fidem cōuersis, clarusq; miraculis, ad perpetuos triūphos feliciter emigravit.

GESTA ILLUSTRISSIMI MARTYRIS  
& Archileuitæ Laurentij 10. Aug. Sur. Tom. 4.

**B** Laurentius ingruente aduersum Christianos persecutione Decii Imperatore, ad gloriosi martyrij palmā magna animi alacritate exarsit: cumq; vidisset B. Sixtum Pōtificem, cui ille ad arā sacris operanti assistere cōsueuerat, vnā cum diaconis Felicissimo & Agapito, p̄ Christi cōfessione ad carceres raptari: Quo, inquit, progredieris sine filio, pater? quo sacerdos sancte sine ministro p̄peras? Tu nunq̄ sine ministro sacrificiū offerre consueueras. Quid ergo in me displicuit paternitati tuę? nūquid degenerē me probasti? experire vtrū idoneum ministrū elegeris cui cōmisisti dominici sanguinis dispensationē. Cui Sixtus: Nō ego te defero fili, neq; derelinquo: sed maiora tibi debentur certamina. Nos quasi senes leuioris pugnæ cursum recipimus: te quasi iuuenē manet gloriosior de tyranno triumphus: mox venies, absiste fletu, post triduum me sequeris sacerdotē Leuita. Accipe Ecclesiæ facultates, & eas tuo arbitratu distribue. Ea vero accepta potestate B. Laurētius cœpit p̄ regiones vrbis studiosē indagare, vbinā sancti clerici vel pauperes essēt absconditi, afferēsq; thesauros vnicuiq; prouē